

**Ivsti Rycqvii Canonici Gandavensis, Civis Romani, De
Anno Secvlari Ivbileo Syntagma**

De Rycke, Josse

Antverpiae, 1624

Capvt XI. Antiquitas Indvlgentiarvm ac Remissionvm ampliùs adserta.
Discrimen inter has non rectè positum. Martyrum libelli Lapsis dati. Quid
fuerit Pacem exorare ab Ecclesiâ. Indvlgentiae olim variè ...

[urn:nbn:de:hbz:466:1-64507](https://nbn-resolving.de/urn:nbn:de:hbz:466:1-64507)

C A P V T X I.

*Antiquitas INDVLGENTIARVM ac REMISSIONVM amplius adserita . Discri-
men inter has non rectè positum . Marty-
rum Libelli Lapsis dati . Quid fuerit
Pacem exorare ab Ecclesiâ. INDVL-
GENTIAE olim variè appellatae. ST A-
TIONES GREGORIANAE, sed GRE-
GORIO fortè antiquiores.*

INDVLGENTIARVM usum , quem
Sectarij ferè omnes nostri æui , vt
nouitum & nuper natum com-
mentum, explodunt , iam ab ipsis
Ecclesiæ incunabulis constanter
in eâ viguisse ex probatis S. Scripturæ testimo-
niis, & Sacris Maiorum Traditionibus , constat.
Nam (vt ea prætermittam , quæ ex Veteris et-
iam Testamenti Libris, & Historiâ Euangelicâ,
isthuc spectantia afferuntur) de Corinthio
incestuoso apertum D. Paulli testimonium est,
cui Indulgientiæ ipsius delicti , citra plenam
tamen satisfactionem, meritis suis & Ecclesiæ ei
applicatis, misericorditer concessisse declarat.
Verba Apostoli sunt hæc: *Cui autem aliquid do-* ^{1. cor. 5. 5} *nastis, & ego: nam ego, quod donavi , si quid dona-
ui, propter vos, in personâ Christi , ut non circumue-
niamur à satanâ . Atque hanc esse Doctoris*
gen-

gentium in isto loco sententiam Primasius,
Theodoreetus, D. Thomas Aquinas, & Ortho-
doxi quamplurimi affirmant. quorum vestigiis
z. de Ind. c. 3.
z. Col. 4.
sign. de 100. dat.

infistens doctissimus Bellarminus, nihil ait eorum quæ ad Indulgentiam consequendam à Theologis desiderantur, in pœnitente Corinthio, defuisse: quæ qualia sint commodè apud ipsum videbuntur. Neque isti tantum aliquid indultum ab Apostolo, sed & plurimis aliis similiem Remissionem factam subindicant illa in Epistolâ ad Colossenses: *Qui nunc gaudeo in pa-
ssionibus pro vobis, & adimpleo ea quæ desunt passio-
num Christi in carne meâ, pro corpore eius, quod est Ecclesia.* Quem locum, et si paullò obscuriore, sic illustrant Theologi, ut nonnullis qui apud Colossenses, siue alibi, in corpore Christi My-
stico, quod est Ecclesia, positi nondum plenè pro peccatis suis Deum per Pœnitentiæ opera placassent, aliquid de pœnarum suarum meritis Apostolus adiecisse se dicat, modo, quem vo-
cant, *supererogationis*; ea quæ desunt passionum Christi, id est corporis Christi, siue quorumdam eius corporis membrorum, supplens ipse Passio-
num suarum vinculis, ac Martyrio pro Christi nomine & honore tolerato. Neque aliam huius loci interpretationem edidit vir doctissimus ac religiosissimus Antuerpiensium Anti-
stes Ioannes Malerus, in libello *Orthodoxe Institutionis*, quem Typis Plantinianis, lin-
guâ Belgicâ, nuperrimè euulgauit: eum-
que vel vnicum Paullinum locum comproban-
do Indulgentiarum Thesauro in Ecclesiâ suffi-
cere, olim etiam putauit V. C. Boëtius Epo An-
tecessor

decessor Academiæ Regiæ Duacenæ. Quâ in re magis audiendum eum puto quâm in discrimine illo quod inter *Indulgentiam* ac *Remissionem* posuit, ingeniosè magis fortalsè ac subtiliter, quâm verè: cùm sacri nostri DD. ἀδιαφόρως vtraque voce vtantur, & nihil inter hæc interesse à doctissimo Nauarro etiam demonstratum sit: solâ differentiâ, quâ Genus à Specie differre solet, exceptâ. Post Apostolorum tempora Ter-
 tullianus, qui proximè ea attigit, Martyres suo æuo Lapsis Indulgentiam elargiri consueuisse, supplentes instar Paulli, *quod deerat Passionum corporis Christi*, in passione suâ, hisce verbis af-
 firmat: *Pax vestra [Martyres] bellum est illi [Dia-*
bolo scilicet] *Quam pacem quidam in Ecclesiâ non*
habentes à Martyribus in carcere exorare consueue-
runt. quo in loco *Pacem exorare* nihil aliud est,
 teste Pamelio, ac Rhenano, quâm *postulare reci-*
pi in ius communionis, vnde metu persecutionum
 infirmi & instabiles quidam exciderant; simula-
 que veniam sui delicti, per Martyrum preces ac
 merita, impetratam vouere. Solebant autem
 Episcopi, Martyrum rogatu impulsi, quem Li-
 bello deprecatorio exponebant, cum istiusmodi
 hominibus mitiùs & indulgentiùs agere, totam
 que iniunctam Pœnitentiam, aut magnam eius
 partem, ab humeris eorum auferre: quod è D.
 Cypriani Martyris & Episcopi sanctissimi Epi-
 stolis passim appetit. Quâ in re cùm Martyres
 facile se exorari paterentur, atque hinc discipli-
 næ Ecclesiasticæ seueritas collabi videretur, his
 verbis suauiter ab eodem Cypriano admoniti
 sunt, ac cautiiores effecti: *Ideò peto ut eos, quos*
 E ipsi

*indifferenter.**Comm. de Iub
Not. 3.**Lib. ad Mart.**c. 1.**Lib. 3. ep. 15.
ep. 17. lib. 5.**ep. 4. ep. alibi*

ipſi videtis, & noſtis, quorum Pœnitentiam Satisfac-
tioni proximam conſpicit, deſignetis nominatim li-
bello, & ſic ad nos fidei ac discipline congruentes lit-
teras dirigatis. Duo ſcilicet caueri à Martyribus
præcipiens, ne ignotos ſibi commendarent, aut
non ſatis perſpectos; tum ne pœnarum ſuarum
merita quibusluis tribuendo eos, quò minus pro
ſeipſis aliquatenus ſatisfacerent, ſecuros nimium
redderent, ac in Pœnitentiæ opere negligentes.
Petebant autem præcipue Martyres pro Lapsis
(ſic appellabant eos qui minus in Fidei Profef-
ſione Perſecutionum tempore conſtantēs fue-
rant) quòd eorum erat, teſte D. Cypriano, gra-
uiſſimum & extreſum delictum; atque ideò non
niſi maximis meritis, ac iuſtitiæ operibus, qua-
lia apud Martyres erant, delendum ac condo-
nandum. Pacem ergo iſtam, per Libellos Mar-
tyrum impetratam, ad uſum Indulgentiarum
iam tum in Ecclesiâ receptum pertinuisse, iſ
quem nominaui, Pamelius, cum Bellarmino,
Maldero, atque aliis conſtanter tradunt. Hoc
etiam amplius à Bellarmino adiungitur: Epifo-
pos dare ſolitos Indulgentiam ad preces Martyrum
non ſolū ut Martyres honorarent, & ad consum-
mandum Martyrium accēderent; ſed etiam quia vi-
derent merita Martyrum poſſe communicari cum
Pœnitentibus, & acceptari Paſſiones eorum pro Sa-
tisfactione, qua Lapsis pœnitentibus deerat: atque
ita veterem Ecclesiam ad Thesaurum etiam reſpe-
xisse cùm Indulgentias daret. Quam tamen doctri-
nam Tertullianus, in Hærefim Montani lapsus,
ita repudiauit, ut in libro de Pudicitia planè ne-
gārit quod anteà in Paræneſi ad Martyres piè

ac iustè affirmauerat, insolentia quædam animalia imitatus, qui lac ab vberibus propriis expressum impactâ calce proturbant, ac in cœnum effundunt. Iacobus Seuertius, qui nuperimè contra Atheos & Hæreticos scripsit, putat ab eodem Tertulliano sub nomine *Veniae* & *Secundæ Pœnitentiae* Indulgentias nostras intelligi, quæ Apostolico Seculo *Misericordiae* dicerentur. Dici autem Secundam Pœnitentiam, quod non circa culpam peccati, eiusque Sacramentalem absolutionem; sed circa eius pœnam, post exomologesin, relictam, condonandam ac remittendam, versetur. *Veniae* certè nomen in hac etiam posteri usurparunt, & *Indulgere* idem esse quandoque quod *veniam dare*, Nonius item Marcellus oblerauit. Tertullianicum æuum subsecuta sunt antiquissima Concilia, **NICÆNUM I. OECUMENICUM, ANCYRANVM, NEOCAESARENSE, CARTHAGINENSE, LAODICEUM & AGATHENSE** Prouincialia, in quibus Episcopis facultas conceditur Pœnitentiam iunctam per Indulgentias relaxandi. Quod in Nicæni can. xi. siue, ut aliâ editione, xii. dicitur, *aliquid humanius de serio Pœnitentibus cogitare*. Ad inferioris æui Concilia **CLAROMONTANVM, LATERANENSIA** duo, **LVDVNENSE, SALEGVNSTADIENSE** siue **MOGVNTINVM, VIENNENSE, CONSTANTIENSE, BASILEENSE & TRIDENTINVM** non descendo, quod à *antidixis aduersariis rum.* nostrorum mos sit ad expressum Dei Verbum, si quando urgentur, aut antiquissimi cuiusque æui monumenta velle confugere. sic tamen ut dum ab his conuincuntur, vnde cumque rapient

E 2 tes,

tes, ea iterum damnent: quod in suum sensum,
quo iure, quaque iniuriā, detorqueant: at,

Quo teneas vultus mutantem Protea nodo?
quā vel arte vel astu stringas illum, qui

principio leo
fit coruice
aubata, inde
draco, &
panthera fe-
rox, & mox
aper ingens.
Hinc huit in
Lycen.
hinc formam
capit arboris
alta;

Er. Putean.
In addition.
ad Tertull.
exflit etiam
apud Gratia.

πεάτισα λέων γένετ' οὐ γένειο,

Αὐτὰρ ἐπειτα δράκων, καὶ πάρδαλις, οὐδὲ μέγας σῦς.

Tίνετο δ' ὑγρὸν υδωρ, καὶ δενδρον ὑψιπέτηλον;

Antiquissime autem eius consuetudinis, quā vel
à Concilio, vel à Romano Pontifice, Episcopis
facultas indulgendi publicè Pœnitentibus con-
ceditur, præclarum est Monimentum in Episto-
la NICOLAI I. sanctissimi & religiosissimi
Pontificis, quam fide Rhenani, ut eam in vetu-
stis membranis inuenit, describimus:

NICOLAVS EPISCOPVS
SERVVS SERVORVM DEI
REVERENDISS. ET SANCTISS.
RATHOLDO EPISCOPO
S. ARGENTORATENSIS
ECCLLSIÆ.



Vm vniuersis Mundi partibus creden-
tium agmina PRINCIPIS APO-
STOLORVM Liminibus properant,
quidam Vir nomine N. venit V.B.
Epistolam gerens, quam nostro contu-
lit Praesulatu. cuius paginam perlegentes, Matri-
cidam illum esse cognouimus. quo facto multis fle-
tibus contrastati sumus, lacrymisq; profusis valde
doliimus. Idcirco præcipimus, & Patrum Almo-
rum censuris statuimus, vt sub Pœnitentia iugo
permaneat, ita vt per vnum annum Ecclesiam
non

non ingrediatur; sed ante fores Basilicæ orans ac deprecans Deum perseveret, qualiter tanto eripiatur piaculo. Completo vero anni curriculo intrœundi in Ecclesiam licentiam habeat, tamen inter audientes stet, & non dum cōmunicet. Completo autem trium annorum curriculo sacræ communionis illi gratia concedatur. Oblationes vero non offerat, nisi postquam aliorum septem annorum curricula expleantur. In his autem omnibus annis atque temporibus carnem non manducet, nec vinum bibere præsumat, exceptis festis diebus aq[ue] Dominicis, & a Pascha usque ad Pentecosten. Et quocumque ire voluerit, nullo vehiculo ducatur, sed pedibus proficiatur: arma non sumat, nisi contra Paganos. Ieiunet autem tres dies per Hebdomadem usque ad vesperam. A propriâ quidem ac legitimâ suâ coniuge non separetur, nè fornicationis voragine corruiat: quod nolumus, nec optamus. Si autem ante trium annorum cursum finis vite illius adpropinquauerit, corporis & sanguinis D. N. IESV CHRISTI particeps fiat: si autem; ut supra statuimus, cuncta efficiantur. Tamen si illius conuersationem, & lacrymarum fontem, in omnibus videritis floridis actionibus, & optimis operibus, pullulare, HUMANIVS CIRCA EVM SOLlicitudo VESTRA PERVIGIL APPAREAT, mitisq[ue] omnibus demonstretur.

Optamus Vos in CHRISTO bene valere.

In quâ equidem Epistolâ, & Solemnis ad Vrbem Peregrinatio, & Casuum (quos vocant) grauiorum Summo Pontifici reseratio, & veteris in enormi delicto Pœnitentiæ rigor, & relaxandi eam, si opus Episcopo visum, per Indul-

al. nè fiat,
optamus.

al. conuersio-
nem.

gentiam Ritus tamquam in speculo summatim spectanda exhibentur. Notanda etiam illhic formula: *Humanius erga Pœnitentem apparere;* non absimilis illi quam è Concilio Nicæno citauit: *Humanius aliquid de Pœnitente cogitare.* Ut Relaxatio vel Remissio huiusmodi etiam *Humanitatis* nomen habuisse videri possit, quemadmodum olim *Venia*, *Misericordia*, *Pacis*, quo sensu *Humanitas Duritiei* opponitur, siue Rigori illi, qui à Pœnitente usque ad extreum quadrantem satisfieri pro admissis petit: qualis olim Rigor in Canonibus Pœnitentialibus, primigenio Ecclesiæ tempore seruatis, præscribitur. Successere primigeniis illis temporibus STATIONES, ab institutore Pontifice, GREGORIANÆ dictæ, quas ille vocabulo iam olim apud Christianos recepto sic appellari decreuit, dum sacro Ieiuniorum tempore stantem populum in Basilicis Martyrum detinet, Deoque ad eorum Memorias supplicantem, largis Privilegiis ac Remissionibus exornat. Nisi forte, iuxta Theologorum nobilium sententiam, antiquior hic Ritus sit, à LEONE scilicet I. siue MAGNO, profectus, quem primùm huiusmodi supplicationes ordinâsse scribunt, quas GREGORIVS deinde solemnius & apertius indixerit, nomine STATIONVM indito. Idque eò verosimilius mihi videtur, quod nonnulla Apostolicis temporibus instituta ad Pontifices autores relata sint, ob eam maximè caussam, quod ipsi decretis suis ea firmassent; ne à Sectariis, qui Ecclesiasticas Traditiones contaminare solebant, vitiarentur, aut in contrarium decernerentur. CLEMENS etiā vi. à non-

in 4. Sent.
Dist. 10.
Nauar. cōm.
de Iub.

Bavon. ad
ann. 132.

à nonnullis Anni IVBILEI institutor est habi-
tus, ob nomen ei Anno datum, et si res ipsa, uti
probauiimus, longè antiquior est, atque vetu-
stior. PONTIFICES deinde alij, iustis legitimis-
qué de causis, quā in ipsā Vrbe, quā Orbe uni-
uerlo, studia Christianorum, ac pia eorum offi-
cia, fauore benigno prosecuti, sacros INDVL-
GENTIARVM Thesauros, in hanc usque diem, li-
beraliter effuderunt: quorum seriem per ætates
accuratè distinctam apud Baronium, Bellarmi-
num, Seuertium atque alios, curiosus Lector vi-
debit. Meritò igitur Concilium Oecumenicum
Tridentinum, singulari Dei Opt. Max. benefi-
cio ætati nostræ concessum, de Indulgentiis sic
loquitur: *Cùm potestas conferendi Indulgencias à*
CHRISTO Ecclesiæ concessa sit, atque huiusmodi po-
testate diuinitus sibi traditâ ANTIOVISSIMIS ET-
IAM TEMPORIBVS illâ usa fuerit, Sacrosancta Sy-
nodus INDVLGENTIARVM V SVM CHRISTIANO PO-
PVLO MAXIME SALVTAREM, & SACROR. CON-
CILIOR. AVCTORITATE PROBATVM in Ecclesiâ
esse retinendum docet & præcipit: eosq; Anathemate
damnat, qui aut inutiles esse asserunt, vel eas conce-
dendi in Ecclesiâ potestatem esse negant. Viderint
illi qui negant, qui (vt D. Cypriani verbis utar)
post diuinum iudicium, post populi suffragium, post
coëpiscoporum consensum, Iudices se non iam
Concilij, sed Dei, faciunt. Deum enim ipsum
contemnit, qui eum in Concilio iustorum, & con-
gregatione Sacerdotū, loquentem contemnit. In
Ierusalem namque, in Ecclesiâ suâ vnicâ & ele-
câ, supremus ille Rex, quois Rege sapientior,
constituit Leuitas, & Sacerdotes, & Principes fami-
liarum

*seff. 25. da
Ind.*

Epiſ. 8.

Psalm. 110.

1. Ps. 10.

liarum ex Israel, vt iudicium & caussam Domini iudicent vniuersis habitatoribus eius. Tu quisquis es, ô Sectarie, time Dei iudicia, qui iudicem eius Ecclesiam audire contempsti.

C A P V T X I I.

INDVLGENTIAE omni æuo piè peregrinantibus datae. Peregrinationum apud Orthodoxos Vetustas: quæ Hierosolymas, & in Vrbem semper celeberrimæ. Hæc olim Annua fuit; uti Præsentatio ad Limina per Episcopos facta: quid in eâ deinde mutatum.



Lurimas esse caussas INDVLGENTIA-RVM concedendarum nemo ignorat. Inter has non minima à Scriptoribus adferri solet, *Peregrinatio ad Loca Sancta ac Religiosa*: quod ab omni æuo receptum sit, siue ad Sepulcrum Redemptoris nostri Hierosolymas, siue ad Principum Apostolorum Limina in Vrbe, siue ad diuersorum Martyrum aut sanctorum hominum Memorias aliis in locis proficiisci. Atque eas ait Indulgentias Innocentius legittimè, non tamen planè gratuitò concedi, cùm labor itineris iis adiunctus sit, plurimaque itinerum incommoda & pericula necessariò exantlanda. Quem laborem ac religionis seruorem in populo Christiano magis excitantes Romani Pontifices, quâ transma-

In Apparatu, ad c. de Pan. & Rem.